



HM Government

Grenfell
community
updates

Grenfell Tower community update: October 2025 - Tagalog / Tagalog

Update sa komunidad ng Grenfell Tower - Oktubre 2025

Kinikilala namin na ang Grenfell Tower ay may malalim na personal na kahalagahan para sa mga pinakaapektado ng trahedya at na ang lupain ay sagrado para sa mga pamilya. Gusto naming maging updated kayo sa aming gawain sa maingat na paggiba ng Tower.

Sa update na ito, malalaman ninyo ang higit pa tungkol sa:

- **Pagmomonitor sa impormasyon tungkol sa ingay, alikabok, at pagyanig**
- **Suporta sa kalusugan at kapakanan**
- **Kung paano n'yo kami makakausap**

Makikita n'yo ang mga nakaraang update sa: www.gov.uk/grenfell-community-updates

Pagmomonitor sa impormasyon tungkol sa ingay, alikabok, at pagyanig

Nangangako ang pamahalaan na titiyakin na ang lahat ng gawain sa lugar ng Grenfell Tower ay isasagawa ayon sa pinakamataas na pamantayan. Nananatiling pangunahing priyoridad namin ang kaligtasan at kapakanan ng komunidad at ng mga taong nagtatrabaho sa lugar.

Noong Setyembre, ibinahagi namin ang mga detalyadong plano na nagsasabi kung paano namin minomonitor ang kalidad ng hangin at antas ng ingay. Mababasa n'yo ang tungkol sa mga ito at makikita ang mga plano sa:

[Grenfell Tower: update sa komunidad Setyembre 2025 - GOV.UK](#)

Mayroong tatlong monitor ng pagyanig sa site ng Tower at limang monitor ng kalidad ng hangin, at tatlong monitor ng ingay sa paligid ng hangganan ng site, lahat ng ito ay nangangalap ng datos sa mismong oras.

Ibinabahagi namin ang datos mula sa mga monitor na ito para maunawaan n'yo ang epekto ng aming trabaho. Ipakikita ng datos kung nalampasan ang itinakdang antas at, kung oo, kung bakit ito nangyari at kung ano ang aming ginagawa tungkol dito.

Ilalathala namin ang datos na ito kada buwan. Ipapakita ng bawat update ang mga resulta mula sa nakalipas na buwan.

Para sa Setyembre 1 hanggang Setyembre 28, 2025 ang pinakabagong ulat ng pagmomonitor sa ingay, alikabok at pagyanig

[Ulat ng pagmomonitor sa ingay – Setyembre 1 hanggang Setyembre 28, 2025](#)

[Ulat ng pagmomonitor sa alikabok – Setyembre 1 hanggang Setyembre 28, 2025](#)

[Ulat ng pagmomonitor sa pagyanig – September 1 hanggang Setyembre 28 2025](#)

Kasabay nito, patuloy na susuriin at imomonitor ng UK Health Security Agency (UKHSA) ang kalidad ng hangin sa paligid ng Grenfell Tower habang isinasagawa ang trabaho. Patuloy silang magbabahagi ng mga ulat kada buwan. Mababasa n'yo ang pinakabagong ulat dito: [Pagmomonitor sa kapaligiran matapos ang sunog sa Grenfell Tower - GOV.UK](#)

Kung kailangan ninyo ng suporta sa kalusugan at kapakanan

Patuloy na magiging available ang suporta para sa emosyonal at pisikal na kagalingan ng mga pamilyang naulila, mga nakaligtas, at mga residente sa paligid habang isinasagawa ang maingat na paggiba sa Tower.

Kung nais n'yo ng taong makakausap, puwede kayong:

- Tumawag sa Grenfell Wellbeing Service sa 020 8637 6279 (8am hanggang 8pm, araw-araw)
- Tumawag sa single point of access advice line ng Central and North West London NHS Foundation Trust (CNWL) sa oras ng emergency, sa: 0800 0234 650 (bukas 24 na oras sa isang araw, pitong araw sa isang linggo)
- Email: grenfell.wellbeing@nhs.net
- Bisitahin ang: www.grenfellwellbeing.cnwl.nhs.uk para sa karagdagang impormasyon

Para sa pinakabagong impormasyon tungkol sa mga available na serbisyo, bisitahin ang www.grenfell.nhs.uk

Kung paano makikipag-ugnayan sa amin o makakakuha ng karagdagang impormasyon

Nais naming magbahagi ng impormasyon sa paraan na makabuluhan sa inyo. Patuloy kaming magbabahagi ng mga regular na update at impormasyon sa mga darating na buwan sa www.gov.uk/grenfell-community-updates Kung mas gusto ninyo, puwede naming i-email direkta sa inyo ang aming mga regular na update.

Maaari kayong makipag-usap sa mga opisyal at sa aming pangunahing kontratista upang talakayin ang mga trabaho, ibahagi ang anumang alalahanin, at magtanong sa aming mga regular na pagpupulong. Handa kaming makipag-usap sa inyo nang paisa-isa o bilang grupo sa oras, petsa, at lugar na maginhawa at komportable para sa inyo.

Mangyaring makipag-ugnayan sa amin kung may mga tanong o alalahanin kayo tungkol sa mga gawain, o kung nais ninyong makipag-usap sa amin. Maaari n'yo kaming kontakin sa email na: GrenfellTowerSite@communities.gov.uk

ara sa pinakabagong mga update sa Grenfell Tower, at upang mag-sign up para sa mga notification sa email, pumunta sa: www.gov.uk/grenfell-community-updates o i-scan ang QR code sa ibaba.



Nais naming malaman mula sa inyo kung paano ninyo mas gustong makatanggap ng mga update tungkol sa aming mga ginagawa bilang tugon sa trahedya sa Grenfell Tower. Kung nais ninyo, maaari ninyong ibahagi ang inyong opinyon sa pamamagitan ng maikling feedback form:

[Komunidad ng Grenfell: Communications Feedback Form - GOV.UK](#)